



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Specvlvm Iuuentvtis, Sive Insigniores Pveritiæ Atqve Adolescentiæ Sanctorvm**

**Bosendorf, Hermann**

**Monasterii VWestphalorvm, 1615**

Daniel Stylites 11. Decemb.

**urn:nbn:de:hbz:466:1-42900**

cum dignitate augendam putauit, & corpori suo bellum indixit; non quo illud necaret aut cotereret, sed quo domitum & omni petulantia exutum redigeret in seruitutem. Proinde somno & quotidiano cibo, quatum ratio permisisset, detrahebat, ieiunijs nocturnisque vigilijs solito amplius indulgebat, vino parcissimo utebatur, sæpius aqua sola contentus. Crebrior illi fuit ad templa aditus: nulla penitus nisi sacrarum literarum lectio: in vultu & gestu modestia maior, sermo rarior, & grauis quidem, quiq; nihil haberet inanitatis & fuci: vt his præditus ornamentis, videretur in corpore mortali immortalium vitam degere.

**PVERITIA S. DANIELIS STYLITÆ**

11. Decemb. ex Simeone Metaphraſte.

Sur. Tom. 6.

*Diſodennis  
ingreditur  
religionem.*

**S** Daniel, matre infecunda genitus, Deoq; ex voto promiſſus, cum à primis annis pietate atque innocentia vitæ præclarum de ſe ſpecimen virtutis edidiſſet, anno ſtatim ætatis duodecimo tactus monaſticæ vitæ deſiderio, relictis parentibus, ſpretiſq; delicatoris vitæ blandimentis, clam ad aſylum religionis conſugit. Veniens enim ad cænobium quoddam duodecim à patrio vico diſſitum ſtadijs, atq; ad pedes Præfecti ſacri gregis prociſſens, eius ſe cõſortio ſociari, & monaſtico amictu veſtiri optabat. Cum autem ille & corporis imbecillitatem & tenerã ætatem obijciens, negaſſet eum  
mona-

monasticis laboribus sufficere, qui ipsis adeo  
viris perdifficiles sint, suaderetq; vt aliquanto  
adhuc tempore apud parentes moraretur, ille  
vehementius exorare; ego, inquam, ea huc  
mente accessi, vt sic quidem Christo viuā, mori  
autem carni. Quod si inter hosce pulchros  
labores morte cōsumar, optatius esse duco sic  
emori, qua abire vacuū, & missa iā ad aratrum  
manu retrorsum cōverti. Multis vero habitis  
vtrinq; sermonibus, cū Præfectus sacræ man-  
dræ puerilis desiderij impetum sustinere non  
posset, fratres adhibet in cōsiliū, nū puerum  
suscipere expediat. Illis vero pueri ingentem  
mirantibus cōstantiam, totumq; Dei nutu geri  
existimantibus communi consensu receptus  
est. Vbi cū assiduo labore solidissima sanctio-  
ris vitę fundamēta iecisset, animo maiora quo-  
tidie certamina appetens, tandem summa Præ-  
fecti sui volūtate sacrosancta loca lustraturus,  
Simeonem in colūna degentem, & fama sancti-  
tatis toto orbe celeberrimum, conuenit: cuius  
nō modo exemplo sed etiam prophetia (cum  
se pariter non leuibus pro Christo laboribus  
exercendum audijisset) adeo ad simile vitę ge-  
nus exarsit, vt ægrē se ab illo auelli pateretur.  
Porro ad monasterium reuersus paulo post  
Præfecto è vita sublato, ad regimen votis pre-  
cibusq; omniū vocatus fuit. At ille honorum  
scopulos remis velisq; (q̄ aiunt) fugiens clam  
omnibus se inde proripuit, tādēq; ad exem-  
plum Simeonis illius diuino monitus oraculo  
colum-

*Humilitas*

*Rigor pœ-  
nitentia.*

columnam conscendit, & contra omnes aëris iniurias patientiæ rigore obduratus, in summa vita asperitate opinioneq; sanctitatis ad octogesimum primum ætatis annum peruenit.

**MARTYRIVM TRIVM FILIORVM S.**

*Theodotes, habetur in vita S. Anastasia. 25.*

*Decemb. Sur. Tom 6.*

*Cōstantia.*

**C**VM in Bithyniam peruenisset Theodote, productus est ad tribunal proconsulis: Age, inquit, ille ô Theodote, iussis parens imperatorijs dijs sacrificium offerito. Sic enim simul & filijs viues, & particeps eris multorum bonorum. Nam et si non tua, at filiorum certè tuorum causa æquum fuerit, vt id eligas quod tibi vtile futurum intelligis. Ad has proconsulis voces sic primogenitus sanctæ Theodotes respondit Euodius: Ne exitima Præses hominum nos supplicia perhorrescere, quæ corpori quidem incorruptionem, animæ vere beatam immortalitatem conciliant: sed ijs, parum abest quin dicam, equè ac conuiuio delectamur. Deum vero potius timeamus, qui potest animam & corpus in gehenna punire. Quapropter puerum intuens proconsul: cum te, inquit, videam ætate tenerum, miror quomodo, & à quo hæc didiceris, quæ vix multi longo tempore & labore sunt consecuti. Cui puer opportunè respondit: Seruator noster & Dominus Iesus Christus, ipse est qui dixit: Quando ducemini ad reges & præsides, nolite cogita-